



止齋先生文集卷之十六

外制

特進觀文殿大學士提舉臨安府洞霄宮廣陵郡開國公食邑五千三百戶食實封一千五百戶萬邨明堂加恩加食邑五百戶食實封三百戶

敕朕新嗣服日有事於合宮兢兢焉懼無以接三才之奧也駿奔在廟豈無辟公金玉爾音尚想故老具官某歷事兩朝對為元輔蓋嘗溫恭朝夕執事有恪恃我烈祖爰暨上皇執珪幣見上帝者屢矣肆予肇禋均佚就國相維穆穆於以永懷方周盛時微子以二王之後聿來助祭有客頌之孝武始建漢家之封有臣如太史談而以留滯周南不與從事為恨朕雖不能比德於周邦視漢有光焉

其因舊章

增大食采非苟為恩蓋示不遺之意可

在外宰執明堂加恩

敕朕新嗣服日有事於合宮兢兢焉懼無以接三才之與也
駿奔在廟豈無辟公金玉爾音尚想者俊具官某歷事烈祖
對為宗工蓋嘗齊明盛服習於侍祠之禮矣肆予肇禋均佚
分間相維穆穆於以永懷方周盛時有客助祭詩人頌之孝
武始建漢家之封而太史談留滯周南以為恨朕雖不
能比德於周抑視漢有光焉其因舊章增大食采非為意
蓋示不遺可

在外侍從明堂

敕朕新嗣服日有事於合宮兢兢焉懼無以接三才之與也
駿奔在廟豈無辟公金玉爾音尚想故老具官某簡在烈祖
對為名臣蓋嘗齊明盛服於侍祠之禮矣肆予肇禋均佚殊
館或云越在輔郡或云越在相維穆穆於以永懷夫留太史
外服或云亦既謝事

於周南自昔浩氣劉賈生於宣室至今幾發朕覽漢事
能愍然於卿等手爰因舊章增大食采非為意蓋示
遺可

張淑妃明堂恩賜三代

曾祖

敕朕有事於合宮既蒙嘉貺均休於咸里益慮後恩
德之賢夙備皇官之列爰稽邦典追賈曾山具往某氏故曾
祖某謙和本於性資醇厚推於鄉黨善修其身而不享其報
慶流於後而端有其原迨其三世之孫遂應四星之象
澤爰陟師垣精爽如存寵光是服可

曾祖母

敕備慈庭之妃披象應四星敷祭澤於私門寵及二世具佳某
氏故曾祖母某氏柔嘉協淑謹派徽好善稱嫺族之間

種德及子孫之遠是生賢女 選呈官慶需漏泉郵章告第
懿魂未泯新渥其承可

祖

教朕肇盛禮於明堂敷大賚于天下惟慈官之妃列夙膺皇
眷之隆加異典於私庭實率邦彝之舊具佳某氏故祖某官
某善積於已行信於人報不在於一時慶乃流於再世澤被
女孫之淑象應四星 之恩寵齊三事茲開大國載錫
懿書泉隧有光靈魂式慰可

祝母

教庶事備成湛恩汪濊乃眷四妃之貴列于皇宮爰加再世
之封賁其祖配具位某氏故祖母某氏相夫以勤儉為本壽
福多福慶之儲孫枝生賢門福遂大朝敷祭澤邦有舊章
故昨於管丘尚敢承祀靈命可

父

教方被神登慶成三歲永言妃德象應四星爰加賚用
稱廟具位某氏故父具官某躬躬有慶操行靡它約
高於華行鷄鳴之配出於閨門茲誕布於湛恩宜追勅於
典爰因舊爵改昇新封精爽如存寵光是服可

母

教朕方謹親祠恩如湛露亦懷妃掖念在茲我粵按邦
盼贈典具位某氏故母某氏蔚有婦德克相夫家凡此
之賢矣匪母儀之訓生蒙象服既極寵光沒落才封又多
履茲教惠澤更建名邦尚克歆承以慰冥漠可

右丞相趙汝愚 明堂恩贈三代

曾祖 贈太師

教朕既成王踐祚肇稱盛禮端美辟公相維穆穆文武宣
王

燕及白二天朕甚慕焉屬茲受釐無德不報蓋周道也具官某
曾祖具官某積有善祥軍及來裔是生者皆為吾相臣維周
公孤並建五廟賜號端昨有寵嘉資爾曾孫共輯熙運
制亡失何以崇報爰頒異數晉陟師垣庶幾疇勞無愧在昔

曾祖母 氏贈陳國夫人

類維何室家之壺則施及臣子不但其身而亦被于室家具
官某曾祖母具位某氏克相夫子行修闡門聿生曾孫聞我
兩社朕惟周人推廣孝思慰滿祖內於茲初禮佐佑乃辟實
維爾孫則綏以寵光昨以大姬之國朕敢忘周道乎可

祖 贈申國公

朕朕閱宗人之講蓋因侍祠維錫其祖父尊寵多矣未有子

孫致位三事而後及此者具官某祖具官某雖在天族猶寒
酸也克世其家濟以清約是生良弼簡在兩朝如周諸姬如
唐諸李於是度越凡例及於後恩矧惟肇裡澤及四海爰勅
公爵作都于中其視宗牒不有光歟可

祖母晁氏贈吳國夫人

敕維昔宗婦不少概見而衛有碩人魯有令母於周諸姬獨
著名於六藝豈不盛哉具官某祖母具位某氏以齊陽之是
來奉漢祀廼生孝子名在薦紳廼生聞孫功在清廟壽胎祭
澤洽比幽明申命于吳增大爾邑蓋與衛姜魯母相望千載
亦足為宗婦之勸矣可

父 贈 贈公

敕朕讀史至漢興以來宗室子弟無得公卿位者而坐耐
金奪國動以百數未嘗不慨嘆也於是既祠純用周政策

宗輔告其文人申錫名邦宏賁禰廟具官某父具官某以同
姓而行誼篤於章布以右選而聲聞賢於儒林即所躬行施
及其子遂魁多士遂冠廷班推自樞筦徑司宰事曠昔之夕
相于合宮三靈具休百福來下洪惟我家生此賢哲本支百
世與周匹休下視漢事則九原可以自慰矣可

母李氏贈吳國夫人

敕朕既合爵書勞為公卿大夫崇報禰廟則母氏與享可無
褒典使之匹休具官某母具位某氏嘗相其夫以孝聞於四
海嘗教其子以賢著於三朝日者爾子相于世室克輟威儀
而可忘所自乎因其舊號錫以新封我國異方用以命汝真
世世享以綏後人

妻 氏贈國夫人

敕魯人之頌信公至於闕官享祀不忒及其令妻以是為內

助之賢也具官某妻具位某氏嘗與吾相臣共隱約而定省
想夫蘋藻之共俎豆之飾以薦時事無或不虔也日者合宮
而爾夫有駿奔之恭無跛倚之色推本內助賢於魯人我錫
贊書等封於益奚斯作頌侯邦之私孰如爾名藏在王府可

知樞密院事兼參知政事陳騏 明堂恩贈三代

曾祖贈少保敷贈太保

敕朕觀成王踐阼肇稱盛禮而歸美辟公相維穆穆文武宣
哲以克燕安甚心慕之屬茲受釐無德不報蓋周道也具官
某曾祖具官某躬行對於古人汎愛聞於鄉譽而懷道不試
士論惜之集為善祥輩及來裔是生耆哲為吾樞臣維周三
孤並建五廟賜宅歸胙游有寵嘉賓爾曾孫共輯熙事而周
制亡矣何以崇報申錫命書晉陞帝保以義起禮亦庶幾焉
可

曾祖母滕國夫人成氏贈福國夫人

敕周之祭澤至於既醉盛矣其詩曰孝子不匱永錫爾類其類維何室家之壺則周家忠厚施及臣子不但其身而亦被子室家具官其曾祖母具位某氏克相夫子行修閨門是生曾孫功在宗社且夫既醉非旅酬之事歟推廣孝思慰滿摠內况朕初裡懼闕於禮佐佑乃辟實維爾孫則綏以寵光為之報本侈其舊封胙以上國朕何愧於周乎可

祖贈少傅策贈太傅

敕朕既本之六藝不愛高爵以宏賁陳氏之祧則嗣有令德休于後昆可無褒典以應經誼具官某祖具官某當天下之清得幽人之履太史之觀風不講而文采無以自見孝廉之科廢而實行不上於計書也天命帝德為之生孫既長樞密又陪國論推本所自當及茂恩肆予初裡醴勞相祀宜及

考並為三公荷天之休其世世享可

祖母崇國夫人朱氏贈福國夫人

敕既醉之卒章曰釐爾女士從以孫子言周之群臣皆有士行之女以為之妣使生賢智子孫足以傳世具官某祖母具位某氏夙以懿行嬪于名門儀于前人以配婦子載篤厥慶華於聞孫夷攷其行不足以當既醉之卒章幸有崇故封未足言稱大邦美號聿從其姑質之二雅誰曰不可可

父贈少師諡贈太師

敕自亞保以來及是三葉蓋王室百年之間而幼躬肅穆後如一日也於吾宗工尊為禰廟朕豈敢尚於禮乎具官父具官某義方之教不以簾金陰德之傳不以駟馬成我碩輔蔚為宗工緯武經文何鄉不可是不謂之賢考歟日者合宮有嚴美報生民尊祖視古不慙而大臣之禰位不稱德以卑臨尊

殆非周道申錫管書冠班九棘非以為生蓋禮之稱可

母杞國夫人成氏贈福國夫人信國夫人王氏贈

福國夫人

教為吾股肱之臣上有三世皆褒大之而况於其母乎御不及百兩養不及萬鍾也而無以慰之予心惻焉具官某母具位某氏承休襲美發育自躬恩斯勤斯鞠我良弼泉頰所共雜佩所贈恭儉精白無非教也揆諸周制則被以象服乘之魚軒為君夫人孰爾宜者亦視王母並建大邦雖曰均登誠有以致此矣可

妻 氏封

教朕誦二南之詩流行采繁相與共祭自天子達皆內助也仲尼序詩定為篇首寓意深矣具官某妻具位某氏来自名門克相夫子會期有鷄鳴相警戒之道而退食有鵲巢致節

漁之德日者合官而駸也相于肆祀吉蠲齋明迨及竣事禮無違者則豈唯關雎之助哉而爾亦與有勞矣錫之美號爰示寵光雖曰舊章實應經誥可

給事中兼直學士院樓鑰 明堂恩父贈通奉大夫

璩加贈正議大夫

敕朕既舍爵書勞自卿大夫以次第賞矣則推其世家為之報本雖禮未有獨不可以義起乎具官某故父具官某生為才大夫而用不盡歿為賢考而何其流之長也屬予初禋百執事在廟爾鑰不但駿奔匪懈而發揮潤色凡祀之大號皆稱朕意非爾素教而克然歟追錫有彝爰進厥秩非以為生亦德之稱可

權吏部侍郎孫逢吉等 明堂恩贈父

敕朕既舍爵書勞自卿大夫以次第賞矣則推其世家為之

報本雖禮未有獨不可以義起乎具官某故父具官某生有種德之美而位不稱歿享義方之報棟樑煇赫碑牘攸書旌麟贊而何其派之長也屬子初裡百執事在廟爾其不但駿奔匪懈而敬之顯思之戒日徹於聽聞也劬躬盡後非爾素教之所自來歟追錫有異爰進厥秩非以為生亦德之稱可

煥章閣待制侍講朱熹 明堂恩贈父

敕朕方舍爵書勞自吾後臣以次第報則推本世繫及其禰廟時寵綬之亦於澤也具官某故父具官某少而英發晚益深造渡江諸老多其師友嘗歷郎闈秉史筆力詆和議緒正謗史蓋官雖薄而志在於天下後世也位不稱德識者恨之屬子肇禋有嚴美報則爾有賢子勸講路門可無褒典以慰國祚之懷中追錫崇階用貴泉壤非以為生亦德之稱可

敕朕既為卿大夫宏賁禰廟以侈教忠之報則母氏與享可無申錫使之匹休具官某母具位某氏来自名家克相夫子本之純厚申以敬恭其仰而事姑備極順適俯視媵御又何其不察察也是宜篤慶聿生賢子藟為儒宗名滿天下則加以美號用慰孝思我有茂恩宜不汝吝可

右諫議大夫張叔椿 明堂恩贈母

敕朕方舍爵書勞自卿大夫以次第賞則為之報本及於母氏使匹休於禰廟不亦可乎具官某故母具位某氏克相大雅如商甘盤復生賢嗣如唐孺然而生不得與於後爵之榮晚不得享夫五鼎之養儻無愍章以賁幽壤何以慰爾之靈蓼莪也因其舊號益以新封雖曰邦彛亦足用勸可

妻

敕朕誦二南之詩勸以義勉以正皆室家也我有芟班豈無

內助具官某故妻具位某氏儀于前人克濟其美遂相天子
為吾諍臣夫與之處約於雞鳴櫛盥之初而不與之處樂於
象服委蛇之後儻無追錫得無若汝水之墳南山之側遺世
不淑詠歌辛若者乎爰錫贊書以貴幽宅可

孫逢吉

明堂恩妻恭人李氏封令人

敕朕誦二南之詩至於流符采襲相與共祭自天子連皆內
助也故詩人誦之仲尼定為篇首其意深矣具官某具位某
氏以爾夫子為吾後臣肆子初禮執事有恪以朕之獲助於
長秋則爾亦可以

職之賞矣晉封美號庸示寵光

曰舊章實應經誼可

在外侍從

明堂恩贈父

敕朕既舍爵書勞自卿大夫以次第賞矣則推其世家為之
報本詩不云乎孝子不遺宗錫爾類蓋周道也具官某故父

具官某生有種德之勤而位不稱沒饗於方之報而何其
之長也屬予初禮有嚴美報生民尊祖視古不慚而可以
爾某之禰廟乎本之經誼追錫崇階非以為生亦禮之節可

在外侍從

明堂恩封妻

敕朕誦二南之詩至於流符采襲相與共祭自天子連皆內
助也故詩人誦之仲尼定為篇首其意深矣具官某妻具位
某氏以爾夫子為吾後臣肆子初禮克輯盛典則豈惟長秋
之故亦爾巨工嬪婦

其流及上則不失職之賞庸可

予晉封美號爰示寵光雖曰舊章實應經誼可

汪大定知九江郡

敕具官某嘗為嶺南郡卓然以廉惠聞而無以旌異之何以
勸遠吏乎九江名邦牧以選授是用命汝式賞賢勞益圖民
庸以俟迪簡可

倉部員外郎汪梓陸郎中八月十四日除

敷以日月為功固非所以待賢能也而功令亦不可廢况晉陸為郎與員外置者絕有間抑足以昭宿業勸寡過庸可事乎可

朝散郎江西提舉汪達除員外郎

敷具官其難進易退賢士之操也爾其議禮容臺浸有休隄及及馬以外服為請雖留行不顧也將指奏公亟頒召節則舒遲累月翔集可觀是不謂之士操歟郎闈之選南官最清往其欽承踐修家學可

中奉大夫提舉冲佑觀豐誼除吏部郎官奉議郎王聞詩除考功郎官並九月八日

敷具官其等仕至其刺史二千石亦通顯矣而浩然有歸志是不謂廉退之操歟爾誼持節湖湘吏畏其敏而同稱者

所討象鹿淮甸民安其寬而固諗疾朕以是嘉之俾還郎者分治銓事社祇成命母有遐心可

上齋先生文集卷第十七

外制

同知樞密院事京鏗初除贈三代

曾祖 贈太子太保

勅昔宣王中興登用將相必推其世系太之始祖自南仲召
虎韓侯之雅皆為此言謂是文武成康之世積累致然而非
一日之故也具官某故曾祖某躬行對于古人鄉譽高於月
旦而懷道不試有識惜之爰及曾孫遂生賢佐美考其世則
朕之得人所自來遠原始根本可獨愧於周乎建錫宮保視
儀孤卿雖曰舊章實應經誦可

曾祖母 氏贈郡夫人

勅周之公孤並建五廟以君夫人祔焉而世世享亦惟賢臣
能有功於國者必有助於其家者也具官某故曾祖母某氏

來自名門作配君子躬備勤勞以詔婦子而生無從爵之榮
歿不得與於共牢之享天命弗僭是生曾孫為吾輔臣以明
樞筦朕循周制寵綏爾夫申錫郡封視古命婦用實幽宅亦
足以報可

祖 贈太子少傅

勅成王之雅曰九周之士不傾亦世世之不顯厥猶翼翼
皇多士生比王國蓋言周之得人錄文王以來世家之所由
生也具官某故祖某克承其緒以紹前開因之以共儉加之
以惠和至于生孫偉然人望佐我宥府海內晏然接諸周人
寅念祖烈及其世家則爾勛躬盡後可無褒典以慰居性命
之儲傳於禮固宜可

祖母

勅朕既純用周政廣恩錫類以褒大吾輔臣之世則燕及聞

門宜有追命使之匹休具官某故祖母某氏儀于前人益謹
內則載篤其慶萃于聞孫方周盛時公侯皆君子也而風人
本之衽席以為德在鵲巢功在采繁也我儀爾祖克大其後
用見家政庶幾台南為君夫人斯禮之稱可

父

勅為吾股肱之臣褒及三世而况禰廟乎周公拜前魯公拜
後亦周道也顧今九原已不可作此憫章之所由起歟具官
某故父某官某德積於身而位不過八品行修於家而功業
不見於世過庭之訓施於嗣人而資父之忠簡在烈祖肆朕
續緒擢為樞臣天下賴之駸系爾之訓詩不云乎維其有之是
以似之不有甲錫非所以為積行種德者勸也爰考古禮爵
為公師其始自今不一而足可

母

勅朕既本之經誼為卿大夫崇報禰廟以修教忠之報則母氏與享以次寵綏使之匹休亦古道也具官某故母具位某氏来自名門作配君子是生賢嗣蔚為樞臣譽在薦紳功在清廟夫鷄鳴警戒之道不篤則一經之教不嚴蘋藻不共則甘旨不謹爾鏗何以能移孝為忠也因其舊跡益以新封雖曰曩章亦足用勸可

工部尚書趙彥逾除端明殿學士知建康府恩數

依執政月十八日

勅維我烈祖作新同姓使與天下寒士共趨功名之會蓋一時興起藹然多名卿大夫矣朕方相其魁傑而次第用之以昭我烈祖作人之盛具官某奮自儒科積有民譽言蓋拔膏梁之習而獨清修苦節甚於布衣豈惟不以高帝子孫自居而謙謙唯謹不敢遺於僮僕也肆朕嗣服而忠勞見於大節之

際夷考周漢同姓有幾則朕將何以對揚烈祖之意昔周人叔康王之事而孜孜於仲山南宮毛漢錄代來之功而顏獨後朱虛之賞二代治効醇疵與其俗淳厚於是乎見是用極之以必殿之隆名申之以 韜之異數分釐番都增大食采凡所以尊寵卿至矣尚其懋哉毋忘忠報可

右正言黃度除直顯模閣知平江府乞祠祿差主官

冲衍觀

勅具官某昔者黜黜薄淮陽而願備左右拾遺補過蓋天下不以黜為懷寵而咎漢武之不容直士也姑蘇近輔朕重其牧以剛變懷材厲操濟以惠和是用輟從諫省以重北門而不屑說若爾度有汲直之風矣無乃使朕佞漢武乎從欲奉祠固非朕意母為考槃永矢弗告則予汝懷可

新除考功郎官王闡詩覃恩轉官

勅具官某朕方罷祠而爾適歸留之即闈以濟世美緣恩德
秩又率舊章視漢曹生召對宣室而不見用爾不謂之遭時
乎可

知空國府本待問除煥草閣待制

勅朕方隆孝治瞻言慈哀者所之今誰在乎將第其功而
何舊學越在外服也兵官某蚤以擣筆簡在烈祖晚而勸講
眷于上皇胡然江湖荏苒歲月一時輩作述為三事而猶紆
宣成之組乎自魁多士又班從官於今守宣事久論定而又
豐歲不收克究爾心詎落起疾閣即見德朕覽奏計益嘉賢
勞欠對口清我有匪數一朝疇之誰曰不可可

勅具官中書不云乎彼都人士公表黃黃其容不改出言自
立爾其似之輟從即闈來擽宰事蓋將試可以究爾能尚其

懋哉母曰序進可

韓彥直致仕

敕三朝法從方欽企於告猷奕世賢勞何遽聞於謝事姑惟
從欲蓋亦疏恩具官某顯允材猷懋昭聲聞以雲臺功臣之
後奮自儒科以壁水寒峻之交明於世務踐更中外嘗試險
夷投之於撥煩而咸宜強之以易武而不愠至於歸休殊館
殆遺簪綬之榮論次本朝雅有簡編之樂肆予初政懷此舊
人屬抱沉疴竟安居里亟頌新渥猶阻侍朝覽奏牘之所陳
想拖紳之何及晚節末路固莫奪於忱辭故國世臣尚益緩
於壽嘏於焉增秩抑又念功可

四川制置使奏辟知州慶符縣謝辛討捕叛夷有

勞身死特贈

敕某官以攝官而冒萬死以保一縣而奏膚公有臣如此而

無位無年可為嘆惜也追錫一秩寄於異恩以慰沉寘且勸耆老可

煥章閣待制知鄂州 信知池州

敕故事以待制而上官典于大州大抵以望郡多宿兵耳朕方以此意擇牧敢輕授兵具官某奮於書生而為才大夫肆我烈祖簡在法從代言掖垣 敕瑣闥議論風指聳聞一時蓋薦紳翕然以為落筆妙天下也晚領名藩屢聞最課夫鄂渚池陽今江湖重兵處也萬竈與民居相錯而介士往往不樂於文吏朕即已試自鄂徙池爾其深知托重之意而不厭薄以是為煩調護也而非苟易置則予汝嘉可

端明殿學士中大夫新知建康府趙彥逾改除四川

安撫制置使兼知成都

敕分閩於外蜀為專宿師於邊蜀為重欲省賦以裕民又蜀為急而比年謀帥多輟從臣朕擇其人班在丞轄尤所以加

惠蜀也具官某應足以律百史之貪辭足以應多故之變在兩朝績用甚茂至於試之撥煩而無難辭居之絕遠而無愠色又何其過人也羽儀禁涂物望愈備肆朕嗣服益見忠操引以自近宜在本朝朕亦惟自昔功業之臣一視中外鄭武相周義和就國鄴侯當他平陽徂齊以卿一意首公無有遐爾其為朕崎嶇萬里以寬西顧豈顧介然于懷歟昔在神考亦強趙亦而今朕所以煩卿又自有意意周以宗強苟不居中必為二伯此王道也非朕所以煩卿之意乎式畫其端日月可冀可

新除江東提刑陳公亮除福建轉運副使

敕具官某凡持憲內之節往往雅意本朝也爾詳刑于郊履績甚茂簡在慈哀行且端歸而秉心無競固自引卻將輸江表亦非其好我圖爾居莫如閩部會使者易地爰改畀爾其

為朕通八郡之鹽筴以紓五口民則朕以懌可

趙渙補官

教具官其曆學不精占天者病之爾以家傳蓋究其術自吾賢士大夫亟稱焉取諸右階使為保章氏其與時人訂正雖略以成吾故授人時之志可

潛邸有勞轉官

教具官某朕第醜潛邸之勞雖小臣不忍遺而亦不敢私也

薛登降兩官

教具官某古之人重請而况違三尺以請乎逾三尺以請且不可又以不得志焉而咎所從請之人宜鑑兩階以警會官可

四月拜補隨金國賀正使充引接儀範回程循修職

凡出... 一階且書於籍為賞亦不薄矣可

趙公介知舒州

教具官某龍舒不淮為名郡擇守往往皆名流也爾所試吏雅有治稱蓋薦紳翕然以為通才爰付此土以究爾能尚其懋哉以圖報効可

趙蕃言知嘉定府

教具官某爾以蜀之人望之子而典州有治行是用明陞界爾潛藩矧嘗為別駕民譽翕然於焉不待可謂舉名詩不云乎維其有之是以侶之益茂乃績無忝所生可

淮西提舉張向之庶勸合轉一官乞回授封母

教具官某以年勞增秩其在功令會計至纖悉也而爾同之固請貶恩於母是足以發明人子之心矣詩不云乎是用作

歌將母來諗此周所以勞使臣也爾方馳驅淮甸勞來安集
吾民則朕豈有愛於此哉可

朝奉大夫江東提舉陳士楚除吏部郎官九月二十一日
敕具官某爾以舊學之臣持節行郡且滿歲矣趣婦節省以
慰永懷經說一編尤在藏史朕方資之潤色初政無言不酬持
有殊渥可

閣 朝奉郎湖北提刑陳謙收捕搖寇有勞特除直學士

敕具官某有以書生而可以即戎是不謂之長才歟爾某嘗
有世於朝矣介在下僚無以著見試之劇郡談笑而理越持
湖節遂克徭寇誠得如數十輩萬物吐氣非爾之謂乎寓直
延閣姑以勸功實諸周行誰曰不可可

汪楚材王圭收捕搖寇特轉三官

敕具官某徭人犯邊爾以戶掾攝機幕汪繼軫爾能帥其旅
不日克之有司差其獲級宜進三階悉以畀汝以勸果毅可

知宜州沙世堅收捕徭寇有勞特轉團練使

敕具官某爾威名著於嶺南薦紳能言之比擢自遠服改畀
郡符而桂林之奏牘始至日者討平徭人爾功居多朕益壯
之粵自刺州寵以戎團之峻賞不踰時吾豈愛此義不辭難
汝將安報乎可

知饒州樂平縣楊簡除國子博士九月二十七日

敕朕方崇長學校所以加惠諸生甚渥也則聯教事於其間
宜得名士爾簡蚤有賢譽不求聞達徒勞縣章益務持養是
以不俟滿歲俾長胄子豈惟諸生又以為善類勸也可

廣西提刑胡長卿除廣西路轉運判官王官冲佑觀
張玠除廣西提刑

教具官某嶺南去朝廷遠而民困於益策之數易枉於訟年
之偏聽朕惻然念之為擇膚使以爾長卿嘗司臬事晉之輸
漕以爾玠嘗持湖節俾之詳刑其各為朕布宣德意以惠遠
氓則朕以懌可

國子正陳希點太學錄湯壽並除太學博士九月二十
教具官某朕新嗣服崇長學校所以加惠諸生甚渥也則聰
教事於其間亦盡序進矣爾希點爾壽俱以名勝來掌學士
之版譽處藹然也晉之講席發明經意僉曰汝宜則朕以懌
可

祕書省正字李壁除校書郎九月二十九日

教具官某詩不云乎君子有之維其有之是以侶之以爾先
人文墨議論之選而垂名千載但見於史筆宜爾之能嗣其
業也校讐冊府益博爾文鴻漸之序於是焉始可

主管架閣文字陳正除國子正戴溪除太學錄

教具官某朕方崇長學校所以加惠諸生甚渥也則聰教
於其間宜得名士爾溪爾正皆以經行教授于鄉後游之益
滿戶外也凡學之貴子與國俊造爾其為我糾治校教之益
自著見以頌明陟可

端明殿學士四川安撫制置使趙彥逾贈三代

曾祖少師崇國公謚清簡 加贈太傅

教朕闕宗人之牒蓋追錫其祖父尊寵多矣未有子孫以功
名著見致位丞轄而後及此者具官某故曾祖具官某雖在
天族猶寒暖也克世其家濟以清約易名之謚同姓蓋鮮是
豈苟得之哉迺生曾孫簡在法從肆朕嗣服厥功甚茂於是
度越九例及於異恩而爾亦自三孤晉陞帝傳其視宗雖不
有光乎可

曾祖母崇國夫人 氏加贈 國夫人

教婦德為難而宗婦尤難其人也朕觀詩人之誦賢婦於諸
姬獨稱魯衛豈不謂之難歟具官某曾祖母具位某氏出於
名門作配崇國潔純自持動有軌度假使生周之時則備姜
魯母之倫矣侑食于崇於禮為稱晉封大國又以閭孫凡爾
宗婦視此用勸可

祖 加贈太子太傅

教朕觀漢宗室以恩澤侯且王者何限曾不長久往國除
世祿之家鮮克由禮古人所以歎息也具官某故祖母具官某
以崇國之子益自好修克勤克順以詔厥後至於孫子遂為
幹臣而朕亦追錄其種德之功為之美報學自右階丞卿官
傳其視漢王侯自著浸微何相絕也尚克有知是以自慰可

祖母淑人 氏贈 郡夫人

教詩不云乎藝之榛栗椅桐梓漆爰伐琴瑟况得才而用之
而不錄其所自生非詩教也具官某故祖母具位某氏作配君
子行修於家覃及其孫迺生才美周人作頌祖妣攸同蓋未有
不獲助於其內而收効於其後者粵自命婦疏以郡封為君
夫人實應經誼可

父 加贈太子少師

教自帝傳以來於是三葉而義方之教何其獨隆也具官某
故父具官某以王公之胄而有士大夫之習非無富貴之階
而官不達也集善為祥聿生賢子清名特操庶幾儀休其視
漢儒不以簾金而以一經不以駟馬而以陰德殆無愧焉竊
之官師雖曰褒典非以為生蓋德之稱可

妻淑人 氏贈 郡夫人

教朕誦二南之詩勸以義勉以正皆室家也我有近臣致位

丞弼顧其內助晚不同休可無愍章以賁泉壤具官某故妻
具位某氏儀于前人克濟其美遂相夫子曳履從班夫與之
處約於鷄鳴盥櫛之初而不與之處樂於象服委蛇之後僅
微追錫得無若汝水之墳南山之側遭世不淑詠歌辛苦者
乎粵自命婦疏以郡封爾其享哉永祔姑室可

龍圖閣待制知潼州府閻蒼舒除煥章閣直學士提
舉江州太平興國官

敕朕新嗣服有懷者俊庶幾聞而作興曰盍歸乎來而何適
以賢勞欲辭州組不顧乎具官某材猷出於葦學議論近於
前聞蚤陪禁路邁往不群而晚為岳牧又何其豈弟也竟上
儼章特就居里六闕通班莫高於學士殊庭均逸莫便於外
祠申錫命書勉從所欲毋為考槃永矢弗告此朕之所以圖
於卿也可

知成州字文子震知潼川府

敕具官某以吾臺閣之臣而淹恤之久僅起為州又絕遠外
此士論所甚鬱鬱也潼於兩部為東西蜀地望甚重界爾州
組庶究爾能益輔外庸嗣有褒異可

新知真州權安節除利州路轉運判官朝奉大夫徐
柵除廣東路轉運判官

敕具官某等夫特節行郡國是為周王人漢部刺史也然周
以下亡漢繼秩六百石何歟深知此意宜何以圖報乎爾安節
尚懷郡章爾柵昔有朝蹟會擇遠使念曰汝選此周漢意也
安節誠以其思清江之民者將漕於蜀部柵誠以其惠奉陵
之民者將漕於嶺表調度不煩抑揚無阿是足以歸報矣可
司農寺丞李大異除夔州路轉運判官十月二十日
敕具官某天持節行郡國是為周王人漢部刺史也然周以

下士漢魏秩六百石何歟豈非擇英俊之在下僚者試可之乎爾大異嘗以文藝得雋春官蓋輩學往往膺仕而方抱票修書徒勞州縣之間也晚綴班行又取平進若爾者是足以循周漢之制越次而出節矣將漕楚門布宣德音自今以始庸究爾能可

籍田今賈士寅除太學博士十月日

教具官其以西州之彥嘗先闔郡策名春官口未造朝風度醜藉東州士樂與群居也猶為藉人未足著見分以橫經之序往哉汝諧可

武學諭黃棗然除武學博士主管架閣文字蔣來

除武學諭並十月二日

教具官其等右學猶左學也朕既妙選七掌東學之上則左學可以次舉矣以爾棗然晉都講師史職教事於其

間經武緯文於穆士論不亦可乎可

知州不畫問除司判郎官准西提舉張同之轉一

官再任

教具官其等荒政十二著於周官苟非其人是徒法也爾書問以郡太守同之以州刺史當歲不淑克究爾心使境內無菜色計書來上朕甚嘉之誠得監牧如二人者布之海內吾民其蘇矣乎書勞進秩且見褒異至如畫問訖事端歸郎省同之善後因任使華朕意攸屬無有內外可

軍器監主簿王恬除司農寺丞將作監主簿劉三傑

除太府寺丞並十月三日

教具官其等列寺丞非所以見才也以今仕版徒勞州縣蓋未嘗有一日朝蹟者而校數之則是亦足以致身矣爾恬爾三傑非膏淹恤於州縣者歟頃因揚簿正二監人以恬丞大

震三傑丞外府豈足見汝才哉尚務靖共以須器使可

主管官告院李孟傳除將作監主簿幹辦諸司糧料院張震除軍器監主簿並十月四日

敷具官某等二監於百官事為簡薄正之職於監事益簡有以好修不務競趨者居之斯不謂稱乎爾孟傳震無以為序進而加勉也可

浙西提舉鄭公顯改除湖南提舉

敷具官某漢三互之禁吾本朝莫之行也至士大夫以嫌自言則亦從欲以使其私爾公顯持案內之節風指凜然而以司憲姻黨雅不欲聯事也懽章來上易汝湖湘姑徇爾懷母曰胥遠可

止齋先生文集卷之十七

止齋先生文集卷第十八

外集

知襄陽府張杓知達康府

初維周公太公功在盟府而伯禽見於費誓呂伋見於康王之初克世其美垂名六藝顯允魏公獨亮二祖咨爾後人宜自著見具官某踐修厥猷謀畧輻輳牧民馭士何鄉不可內史擢茲文昌論思績用甚茂稱者不容口也備邊襄州隱若敵國太上疇勞款徒秣陵而未果肆朕嗣服爰咨分閫北重宿鑰莫如爾宜且夫金陵魏公之所經畧也元勳大節賡志未就歷年於此胡能嗣之文事武備兼修者何術內寧外憂長震者何事其究爾心以圖忠報豈惟先正將二祖亦寵嘉之可

朝散大夫知南外宗正事趙不翔換右監門衛大將

軍濠州團練使擢知太宗正事

勅具官某自藝祖置大宗正以睦親族蓋歷年於此本支雖
聯世次櫛比而無惑意職此之由可不謹擇之乎爾屬尊而
身終官運而志無競爰自左選改昇南班秩以門衛之崇加
以戎團之峻其尊寵矣蓋輯宗盟以綿帝系往其勉哉可

直秘閣劉穎除直顯謨閣江東轉運判官

勅具官某課賢勞耶則誥如汝多采民譽耶則誰如汝若况
又逢恤朕豈忘汝也江表將漕司存與留都相峙蓋視畿甸
等耳煩爾調度以寬州縣之急歸報有期勿替前績可

浙西提刑黃通知贛州

勅具官某粵從臺掾遂昇畿節不可謂不遭時矣章貢名邦
筭牧茲重而其民亦號難理大地重則浪宿望事難則難答
德疇咨爾且就昇州組益充民庸毋曰遠外可

太學上舍生李斗南葉元英賜釋褐出身

可
救其等科目之制至嚴密也而錄學校進者則課其功緒蓋
有不待試於春官而策之廷者焉亦既得雋矣肆予嗣服又
拔其尤若爾某某者而即官之則所以加惠諸生豈不盛哉

侍衛步軍司後軍統領殿拱宿衛部轄官兵特轉一

官邵建 孫光祖 鮑信 陳孝慶 孫顯忠 夏震 夏普

救具官某環列之尹著於春秋書勞進秩則有常典爾其毋
憚煩使式克欽承則予汝賞不一而足可

湖南提刑趙不邊除江西提刑寺丞趙 除江西

提舉

救具官某等自江以西綿地數千里其吏善讀律其商善趨
鹺茗之利而其田疇多旱潦部使者得其入則刑罰中而訟

銜之俗易禁弛散歛行而民不失業以是不過詳刑湖湘不
偏聽於單辭爾 率職省寺謹厚而無失其以不過序遷臺
司 為庾氏皆王人也觀省風謠布宣德意可不勉乎可

張續除直秘閣官觀

教具官其以熙寧論事之臣之後其文足以自見其學足以
自飭此吾烈祖所以實諸冊府上皇以為郎若卿也晚分郡
符教上奏計雖不見察於部使者而見直於言路而秉心無
競固請解組成爾素履歸休外祠還爾舊著寓直延閣尚對
新渥以為後圖毋若考繁永矢弗告可

江東轉運判官劉頴知平江府

教具官其將輪江東方錫贊書擇牧吳門又分符竹爾亦喻
朕指乎以爾才足以撥煩且宜引以自近也夫足以撥煩則
彌節而為劇郡所以發游及之有餘引以自近則置諸扶風

為州之間蓋鴻漸之序也深喻此指無非簡記盡疾

對新渥可

李嘉謀知襄陽府

教具官其維烈祖芳求西州之士幾無遺材用以為公卿大
夫多矣而一時同進宿留州縣位卑官薄聲聞藹者猶一
二數朕所以式過其歸也會之襄陽之帥貪謀惟久而又中
道輟汝以寬顧憂是豈朕初意乎夫旅進周行每恨非功名
之會久勞外服又懷無拾補之益有能於此何鄉不可則爾
儒也爾其式奉以圖忠報可

新除福建提刑盧彥德改江東提刑

教具官其觀蜀道之歌湘繁之賦則知士大夫不樂久宦於
此也爾其崎嶇荆益至於累年晚歸即闈意不自得懷章亟
上持節七閩夫安於平進而樂遠外曾無繼芥見於詞色是

不謂之吉士以嫌自引易地江左姑徇爾懷願有它寵可

權戶部侍郎梁摠除刑部侍郎

教朕誦周書至立政用人之戒詳矣而三致意於庶獄至於
卒章獨告司寇蘇公夫皆隼人也他無所概見而司寇獨明
言其人何歟蓋謹而書之也具官某以寬厚長者名當世而
以法士名其家夫法士則深於文而長者則傷於惠二者皆
偏才也而卿獨兼二美焉頃為理官空園案月及掌邦計郡
國晏然銜命未歸備見忠瘁晉貳秋官此蘇公之職也式敬
爾獄以長我王國爾尚無視於周書哉可

司農寺主簿張孝伯除國子監十月十一日

教具官某朕方加惠諸生凡聯事於成均者皆望遠也胃監
有丞與聞學政以爾孝伯雅致不渝肆用命爾其益好修以
濟明陟可

諸王宮大小學教授姚愈除司農寺丞國子監主簿

羅克開除軍器監丞十月十一日

教具官爾愈爾克開皆以文雅嘗與聞學政矣而以愈丞農
扈克開既監蓋試煩事益究爾能左右具宜則有明陟可

直秘閣兩浙轉運判官黃黼除直龍圖閣陞副使再
解龍圖閣除直顯謨閣十月十一日

教具官某以元祐名宦後而其學足以自立才足以自見也
將漕郊畿燕及三輔朕圖爾功正名使華晉職犧閣是豈謂
之過歟而何遜章來上至于再三也益嘉廉操少却文謨雖
不償勞亦足厲世可

倉部郎中汪梓以趙汝愚親嫌除淮東提舉十月十一日

教具官某朕不以防禁遇臣下而或自言嫌則亦從欲以便
其私爾大臣之子克世其家比解州絳遙歸郎舍嘗試未久

譽處有聞顧以當路之嫌願就外服政界准節以華其行雖
徇爾懷亦足風厲可

大理正問丘泳除利州路提刑 十月十七日

敕具官某夫持節行郡國是為周王人漢部刺史也然周以
下士漢統秩六百石何歟深知此意宜何以圖報乎爾為理
官亦既累歲博文敏事侶不能言會擇蜀使咸曰汝可若爾
者足以循周漢之制越次而持節美詳刑於蜀庸究爾能往
其欽承以須明陟可

秘書監兼實錄院檢討官薛叔似除權戶部侍郎十

月二十八日

敕朕欲省賦甚而用不足蓋嘗歎息安得執古以御今之士
與之共圖邦計乎而澤下究也具官某習於六經之道而明當
世之務自薦紳先生下逮新進絜爾不容口也屬茲衝命萬

里來歸草帶蔬食行乎蠻貊朕甚嘉之曾未復命擢貳民曹
夫後班豈所以償勞乎可使治賦孔門之學何以利國孟子不
對於斯二者並行不悖此朕之所圖於政也尚其懋我以永
士譽言可

起居舍人兼侍講劉光祖除起居郎司農少卿鄧

除起居舍人十一月二

敕具官某左右史朕所嘉賴以謹言動爰自黜服儀圖其人
皆舊學也爾光祖駟項在儲寮薦為國士而光祖歸竊臺
繇騎省各以論事不避權近俄而去國朕甚懷之蓋嘗嘆息
安得三益以自近也今茲歸止實慰我心其以光祖序進左
切駟擢居右陞豈徒以是為私乎其繼自今直筆在前則出
入不欽號令不減將懼忠焉爾其懋哉勿替初意可
國子祭酒彭椿年除直龍圖閣江東路轉運副使

十月二日

教具官某昔荀卿嘗為祭酒矣而卒老蘭陵後世恨之爾某於今百辟家先進也方在諸生及見故老比為博士獨抱遺經而自詭治民遲遲翔集蓋累年於此矣晚長成均雅不自喜亟上懇請欲使其私將輸江垸墜華儀閣雖寵爾行而朕尚冀爾無還心也以解荀卿之恨亦有意乎可

大理寺丞林思齋除大理正閏十一月二日

教具官某本朝重科目而有以奕世父子一門伯仲赫然駟駟擅聲名於場屋若爾某者豈不足貴乎而何州縣淹恤亟稱賢者岳牧論薦如有朝蹟也淑問獻因士論惟允俾為理官自丞而正鴻漸之序嗣有懋官可

戶部郎中上漑除直秘閣知平江府閏十月三日

教具官某治辦之吏患在缺著豈弟之長或不事事此二千

石所以難其人也爾自分郡寄比遣使華長於心計性純在足用而長財也而指以予民動累鉅萬蜀道之人至不憚惠若爾者可以比千里之國矣吳門擇牧蓋久而後得之於望郎華以寓直爾其懋哉勿替 民譽司

李府寺簿范孫除大理寺丞閏十月三日

教具官某奕世載德孰如范氏爾克踐修益自問學色辭辭温君子人也俾丞棘寺未究爾能謹視刑書嗣有寵數可

朝請郎權發遣滁州石宗昭除廣文郎官新改除浙

西提舉吳鑑除司封郎官閏十月四日

教具官某等以吾州府被讐之臣而越在外服不知其反期何時非所以為經生學士勸也爾宗昭鑑嘗同日給筆札試于玉堂之廡觀如堵墻其美無度而何宗昭在淮鑑在湘之久也夫合江之水環滁之山將指承流爾固樂此公論不置

蓋歸郎聞其亟來朝以對新遷可

軍器少監兼權司封官李大性除浙東提舉知常州

黃灝除浙西提舉 大性十月三日 灝十月四日

教具官某今二浙猶三輔也此歲不登仍以旱潦荒政十二其誰與朕推行之乎爰誅其人謀於周行則汝大性得於列郡則汝顯也東西二節於以分界平輿循積悉咨聽之吳越之間民無菜色我有褒望必不爾後可

太學博士陳峴武學博士陳邕並除祕書省正字 十月十四日

教具官某等朕命以雲漢側身之誼策爾於玉堂之廡爾峴不徒具文而有惻隱之實爾邕科別其條而昌言之不枉於執事文詞拳拳皆可觀也州府諸才得爾惟允勉司校讎益務速育以就遠志以副殊休可

監登聞鼓院楊大全除宗正寺主簿主管官告院

伯成除司農寺主簿 十月十四日 監都進奏院孟浩除國

子監主簿 十月十四日

教具官某等夫以百畝之宰三年之滄僉言賢勞始有朝噴而後階升簿正列寺士欲以才自著也斯已艱矣矧爾大全西州之彥而伯成浩又南國之良乎姑懋厥官以須褒進可

大學正孫元卿除武學博士 十月十五日

教具官某古者千篇皆學於東序而親首騶虞又皆樂師所以教國子也爾以文行簡在東膠譽盛矣推所講明施及右學將見諸生不但習孫吳而已則朕之所以用汝也可

李知已陳景俊並除大理寺丞 十月十四日

教具官某等魯人以淑問獻囚而漢以文無害為獄掾皆所以重士官也爾知已於今多士為前進而有廉退之稱不發於魯詩所謂淑問者乎爾景俊於今法家為通才而無少恩

之教不幾於漢制所謂文無害者乎俾丞棘寺同審刑書幾
幾吾民徇枉必達可

國子司業適除太府卿准東總領十二明

教具官其昔者仲尼攷定六藝至大學之卒章歸於義利場
道深矣亦曰天地大德次及於理財也今宿師數十萬以天
下之財贍之不領於六農之經費而居此官者不知此誼是
不重為吾民病乎宜廷臣論建者欲得賢士大夫使之久任
以加惠吾元元也朕覽奏矍然改圖其人而大臣首以爾適
應選擇較從司成晉長外府以儒術總戎餉助於此矣行爾
所學奚必多訓可

楊源轉一官

教具官其爾請昏于戚里將以圖臞仕也方優恩章及其黨
族宜進一官以廣恩意可

楊緯引熈政知閬州

教具官其朕不以防禁遇臣下而或自言熈則亦從欲以便
其私爾紆州組浸有民譽顧以伯氏庀司推牧抗章引却易
地關中雖徇爾懷亦足風厲可

主管冲佑觀黃度知婺州

教具官其言者不狂擇者不明此漢文帝之詔也深厚寬博
庶幾六藝朕甚慕焉日以練官補郡守而爾度方抗跡論事
無所撓且竟舍州組便親養退省爾私豈有為為之乎若但
從欲不強起汝亦異於漢文矣婺越境 錯可以將父便道
之官是用命汝其徃祐吾民益以民事之暇強學待問朕豈
汝忘哉可

高宗周押馬賞轉官

勅具官其詩不云乎秉心塞淵騅牝三千馬之增減於此觀

人心焉此吾所以設賞典也其進爾秩勸後來可

武節郎提轄製造 御前軍器所曹組職事修舉轉
一官

勅具官某以除戎器課勞而增秩非苟以為恩也天下無事
武備易弛有精其能不可不勸可

沈槐 胡仲衡 呂友直並除大理評事

勅具官某等日者屢肆大青圉圉空虛理官具負而已然而
擇人以詳刑則不可不謹若爾某者皆由此選也宜及閒暇
益務明習以稱朕哀矜庶獄之意可

前知撫州趙彥繩知韶州

勅具官某江右民牧章貢為重爾彥繩以屬籍之秀會於儒
科而臨川治行奏計為最解組來朝遠會闕守畀爾符竹咸
曰是宜往其究心以永終譽可

宗正少卿李祥除國子祭酒十一明二

勅具官某士行莫高於知止廟謨莫急於留賢一舉而二美
附此朕所以用爾祥也以爾議論接於前聞行箴備於素履
見推文行多士攸同粵從樞屬擢貳冑監而秉心無競陳組
甚高蓋旬歲之間亡慮數請以年為解懷不自安也朕為此
風不作深用嘉尚爰疇已試晉長司成本之諸生以重兩學
夫人臣守誼人主尚德是足以明教化矣可

虞儻知湖州

勅具官某以爾嘗入霜臺持玉節風績甚茂淹恤云久尚徒
勞州組乎夫仁不異遠義不辭難勉若雪之間自昔樂土維
年不逢民有菜色荒政十二朕靡所愛苟非其人是将焉寄
此朕所以用汝也寓直延閣姑寵爾行亟圖民庸以計來上可

張宗况 張宗愈轉一官與幹官差遣

勅具官某等勸分之令下未有帥先為吾元元輸粟於縣官者而爾以勲闕世臣能奉明詔朕甚嘉之爰進厥秩俾屬外臺非苟為恩將以風厲可

倪思知泉州

勅具官某朕觀周詩至於廷臣祖齊入謝為之作誦勤勤勞苦然後知官人之道焉爾蚤以英聲穎脫時輩浸即膺仕蔚為國華日者方憇征驂俄而去國顧乃願休祠館不就郡章以若所為豈必待仕而後憊於心歟而朕自不能忘也維閩山樂土溫陵佳郡成爾素履姑惟運次事簡賦寬可踐所學往其欽承益自明試可

鄉貢進士方權輸米補廸功郎

勅某勸分之令下未有帥先為吾元元輸粟於縣官者而爾嘗預計偕能奉明詔授之初官以厲來者不亦可乎可

程需輸米特補承信郎

勅某勸分之令下未有帥先為吾元元輸粟於縣官者而爾能奉明詔是足嘉與官以右選以勸後來可

馬六同特復元官致仕

勅霜臺有請固不可屈於思泉壤可懷亦不容廢以法幾葉前咎遂還故官以昭念舊之仁以示勸能之典具官某信已之學兼人之才粵自少年意已輕於先達浸更膺仕耻徒事於清談蓋時出其抱負之長而概見於設施之際修明臬事有發伏適姦之功論建版曹皆足用長財之畫肆于初政將有煩言屬爾沉疴姑從薄責諒兼忘於寵辱何遽隔於幽明東首拖紳曷慰九原之恨西清持橐尚歆再命之榮可

著作佐郎王夔除著作郎十三明二

勅具官某雍也仁而不佞仲尼所以第德行之科也爾羣居

則寡言旅進則却立不幾乎所謂仁而不佞者歟久游冊府殊無兢心比上著庭見謂直筆於焉序遷未足以究爾能也朕方識之行有簡擢可

秘書丞陳揆除著作佐郎十一月二日

勅具官某載筆東觀極天下之選矣官實崇思歲月久近不足論也爾嘗奉大對亞乎褒然之選才長文富不自銜嚮從其所好翺翔著庭以昌令名以就遠器詩不云乎潛雖伏矣亦孔之炤爾亦喻此指乎可

太常博士邵康除秘書丞十一月二日

勅具官某筮仕學省遂入容臺遂上冊府士而能致身如此蓋亡幾人也以爾奏名南一官嘗為天下第一種學績文並務持養次第及盈朝無異言往共懋哉以就遠器可

太常寺主簿劉誠之除太常博士劉主簿除秘書省

正事劉主簿十一月二日

勅具官某朕每謂至於春秋一書則開劉氏之說本朝經學未能或之先也訪求其家則明誠之至容皆世科第誠之方薄正曲臺雅有譽處而孟容淹恤在外稱者尤不容口也其以誠之為禮博上而特招孟容官諸冊府詩不云乎凡周之士不顯亦世世之不顯厥猶翼翼思皇多士生以王國朕蓋庶幾於此焉可

中書門下省檢正諸房公事兼權刑部侍郎徐誼除

權工部侍郎兼知臨安府十一月二日

勅商邑翼翼四方之極夫為內史而無尊重難危之勢非所以覽示海內於京室也具官某外寬而中剛未詳而本約能通當今之務而不失古意能得君子之心而不怨疾于頑也此嘗試對賦奏聞切朕識之久會謀畿帥而簡之庶僚貳于

起部蓋聞其裏言之助者開群枉之門懷危得之情者持自
營之計內史不競職此之由儀圖其人無以易汝是用蔽自
朕志度越故常以論思之班行彈壓之專性其然哉以振首
善可

東漢除大學志 十二月

勅具官其今周行之士可以為人師者不乏而朕取諸遠至
于一再爾愛亦喻此指乎夫行修于家而未施用於世名聞
於州里而未有著於朝列此人主之所務白也宜益懲官
以副朕不遐遺之意可

差台州通判呂祖儉除太府寺丞浙東常平司幹

官孟猷除藉田令

初用人之弊其惟世遞而忘遠乎朕嗣服覽示無外間有
遺材取之下國爾儉爾猷皆以故家子孫雅有譽處老友

行於窮約而趣尚不曲可於科第也徒勞州縣未克亦解以亦
田儉承外府猷令藉田其益好修以稱朕意可

18

